



KENYATAAN MEDIA CO-OPBANK PERTAMA 1 JULAI 2021

“KOTAK REZEKI CB-PRIHATIN” SASAR BANTUAN KEPADA MASYARAKAT YANG TERPUTUS BEKALAN MAKAN

1. Co-opbank Pertama (CBP) hari ini melancarkan program Kotak Rezeki CB-Prihatin bagi membantu masyarakat yang menghadapi masalah terputus bekalan makanan akibat pelaksanaan Perintah Kawalan Pergerakan (PKP).
2. Melalui program ini, CBP akan menyediakan bekalan makanan asas yang dapat membantu keluarga yang terputus bekalan makanan di sekitar cawangan CBP, khususnya kepada mereka yang belum mendapat sebarang bantuan dari mana-mana pihak. Program sumbangan ini akan digerakkan melalui kesemua 28 cawangan CBP di seluruh negara bermula 7 Julai 2021.
3. CBP memperuntukkan lebih RM140,000 bagi menjayakan program ini. “Mana-mana ketua keluarga yang terputus bekalan makanan, anda boleh terus datang ke cawangan CBP yang berdekatan bagi mendapatkan kotak rezeki ini. Ini merupakan sebahagian dari program CSR CBP bagi membantu masyarakat setempat dalam tempoh yang sukar ini”, menurut Haji Kamari Zaman bin Juhari, Pengerusi CBP.
4. “Pada masa yang sama juga, Anggota Lembaga CBP turut meluluskan pelaksanaan moratorium kepada pelanggan individu (B40, M40 dan T20) sejajar dengan pengumuman Pakej Perlindungan Rakyat dan Pemulihan Ekonomi (PEMULIH) oleh Kerajaan. Walau bagaimanapun, para pelanggan harus memohon secara atas talian bagi mendapatkan moratorium ini. Saya yakin moratorium ini akan memberi manfaat kepada para pelanggan CBP”, tambah beliau.
5. Permohonan moratorium boleh dibuat secara atas talian dan akan dibuka kepada semua pelanggan individu CBP yang layak bermula 7 Julai 2021. Sebarang pengumuman lanjut akan dbuat melalui media sosial dan laman sesawang CBP.

-TERIMA KASIH-

Mengenai Co-opbank Pertama

Co-opbank Pertama (CBP) telah ditubuhkan pada 7 Jun 1950. Pada September 2014, CBP telah diiktiraf oleh Suruhanjaya Koperasi Malaysia dan Bank Negara Malaysia sebagai sebuah bank. CBP mempunyai 28 buah cawangan di seluruh negara termasuk Sabah dan Sarawak. CBP menawarkan pelbagai produk Pembiayaan Individu, Koperasi serta Korporat, Ar-Rahnu, Deposit, Syer Keanggotaan serta Takaful dan Wasiat Untuk maklumat lanjut, sila layari www.cbp.com.my

Sebarang pertanyaan, sila hubungi:

Syaiful Arief Syah Bin Mohamed Said

Ketua Transformasi, Jabatan Transformasi

Co-opbank Pertama

syaiful@cbp.com.my

013-394 4999